



ՄՈՒՐԲ ՅԱԿՈԲ

ԱՌԱՋՆՈՐԴԱՆԻՍ ՄԱՅՐ Մ ԿԵՂԵՅԻ

ՏՕՆ ԵՐԵՒԱՆ Ս. ԽԱՉԻՆ
18 ՄԱՅԻՍ 2025

Կիրակնօրեայ Ընթերցումներ	Էջ 1
Ողորմութեան Կանչ Մը (Շար. 43)	Էջ 3
Ծանուցումներ	Էջ 3,4

ԸՆԹԵՐՑՈՒՄ

«ԱՌԱՔԵԱԼՆԵՐՈՒՆ ԳՈՐԾԵՐԸ»

ԳԻՐՔԷՆ

(17.1-15)

Ա մփիպոլիս եւ Ապողոնիա քաղաքները շրջելէ ետք Պօղոս եւ Շիղա Թեսաղոնիկէ եկան ուր հրեաներու ժողովարան մը կար: Պօղոս ըստ իր սովորութեան ժողովարան գնաց, եւ երեք Շաբաթ օրեր անոնց քարոզեց: Կը բանար ու կը բացատրէր Գիրքերը, անոնցմով կ'ապացուցանէր թէ ի'նչպէս Քրիստոս պիտի չարչարուէր ու մեռելներէն յարութիւն առնէր, եւ կ'ըսէր. «Այն Յիսուսը զոր ես ձեզի կը քարոզեմ, ա'ն է Քրիստոսը, խոստացուած Փրկիչը»: Թեսաղոնիկեցիներէն ոմանք հաւատացին եւ Պօղոսի ու Շիղայի յարեցան: Նոյնպէս անոնց յարեցան շատ մը աստուածապաշտ յոյներ եւ նկատառելի թիւով երեւելի կիներ:

Հրեայ առաջնորդներ նախանձեցան, եւ փողոցներէն քանի մը դատարկապորտ անօրէններ հաւաքելով ամբոխ կազմեցին, ամբողջ քաղաքը խռովեցին եւ Յասոնի տան վրայ խռովեցին՝ Պօղոսն ու Շիղան բռնելու եւ ժողովուրդին առջեւ հանելու համար: Բայց երբ զանոնք չգտան, Յասոնն ու քանի մը ուրիշ հաւատացեալներ քաջեցին տարին քաղաքի իշխաններուն առջեւ, պոռալով.

«Այն մարդիկը որոնք ամբողջ աշխարհը իրար անցուցին, հիմա մեր քաղաքը եկեր են, եւ Յասոն իր տունը առեր է զիրենք: Ասոնք բոլորը կայսեր օրէնքներուն հակառակ կը գործեն, որովհետեւ ուրիշ թագաւոր մը կը ճանչնան, Յիսուս անունով»: Այս խօսքերով անոնք խռովեցուցին ամբոխը եւ քաղաքի իշխանները: Սակայն իշխանները Յասոնէն եւ միւս քրիստոնեաներէն երաշխաւորութիւն առնելով ազատ արձակեցին զանոնք:

Հազիւ գիշերը վրայ հասած, քրիստոնեաներ Բերիա ղրկեցին Պօղոսն ու Շիղան, որոնք երբ հոն հասան՝ հրեաներու ժողովարանը գացին: Բերիայի հրեաները աւելի ազատամիտ էին քան Թեսաղոնիկեցիները, ուստի մեծ յօժարութեամբ ընդունեցին Աստուծոյ խօսքը եւ ամէն օր Գիրքերը կը քննէին, տեսնելու համար թէ ճշմարիտ են Պօղոսի քարոզածները: Անոնցմէ շատեր հաւատացին: Նմանապէս հաւատացին բազմաթիւ ազնուական յոյն կիներ եւ այրեր: Բայց երբ Թեսաղոնիկէի հրեաները իմացան թէ Պօղոս Բերիայի մէջ եւս Աստուծոյ խօսքը քարոզեց, հոն ալ եկան ժողովուրդը գրգռելու եւ խռովութիւն ստեղծելու համար: Ուստի հաւատացեալները անմիջապէս Պօղոսը մինչեւ ծովեզերք ղրկեցին, իսկ Շիղա եւ Տիմոթէոս հոն մնացին: Պօղոսի ընկերացողները զինք մինչեւ Աթէնք հասցուցին եւ ապա Բերիա դարձան, Շիղայի եւ Տիմոթէոսի համար Պօղոսէն պատուէր առնելով որ շուտով գան իր մօտ:

ԸՆԹԵՐՑՈՒՄ
ՅՈՎՀԱՆՆԵՍ ԱՌԱՔԵԱԼԻ
ԸՆԴՀԱՆՐԱԿԱՆ ԱՌԱՋԻՆ ՆԱՄԱԿԷՆ
(1.1-10)

Մենք լսեցինք, մեր աչքերով տեսանք եւ մեր ձեռքերով շօշափեցինք Որդին, Բանը, որ սկիզբէն իսկ կեանքի ստեղծիչն էր: Անիկա նոյնինքն կեանքն էր որ յայտնուեցաւ: Մենք տեսանք եւ կը վկայենք, ձեզի պատմելով անոր մասին, այսինքն յաւիտենական կեանքին մասին, որ Հօրը հետ էր եւ այժմ մեզի յայտնուեցաւ: Ինչ որ տեսանք ու լսեցինք կը պատմենք ձեզի, որպէսզի դուք ալ մասնակից դառնաք այն հաղորդակցութեան որ մենք ունինք Հօրը եւ անոր Որդւոյն Յիսուս Քրիստոսի հետ, եւ ձեր ուրախութիւնը կատարեալ ըլլայ: Ահա թէ ինչու կը գրենք ձեզի այս նամակը:

Աստուած լոյս է. բնաւ խաւար չկայ անոր մէջ:

Պատգամը որ լսեցինք եւ ձեզի կը փոխանցենք, սա է՝ թէ Աստուած լոյս է. բնաւ խաւար չկայ անոր մէջ: Արդ, եթէ ըսենք “հաղորդակից ենք իրեն” եւ միւս կողմէ շարունակենք խաւարի մէջ ապրիլ, կը ստենք ահա եւ ճշմարտութեան դէմ կը գործենք: Իսկ եթէ Աստուծոյ լոյսին մէջ քալենք, ինչպէս ինք լոյսի մէջ է, այն ատեն ճշմարտապէս հաղորդակից կ’ըլլանք իրարու, եւ իր Որդւոյն Յիսուսի արիւնը կը սրբէ մեզ ամէն մեղքէ:

Եթէ ըսենք “մեղք չունինք”, մենք մեզ կը խաբենք եւ կը մերժենք ճշմարտութիւնը ընդունիլ: Իսկ եթէ խոստովանինք մեր մեղքերը, վստահ եղէք թէ Աստուած որ արդար է՝ պիտի ներէ մեր մեղքերը եւ մեզ պիտի սրբէ մեր բոլոր անիրաւութիւններէն: Եթէ “մեղք չգործեցինք” ըսենք, ստախօս կը հանենք զԱստուած, քանի իր խօսքը չենք ընդունիր:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՅՈՎՀԱՆՆԵՍԻ
(7.14-24)

Տաղաւարահարաց տօնակատար-
ըութեան մօտաւորապէս կէսին,
Յիսուս տաճար ելաւ
եւ սկսաւ ուսուցանել:
Հրեաներ կը զարմանային
եւ կ’ըսէին. «Ինչպէ՞ս այս
մարդը Սուրբ Գիրքերը
գիտէ, երբ բնաւ չէ
ուսած գանոնք»: Յիսուս
պատասխանեց անոնց. «Ինչ որ ձեզի
կ’ուսուցանեմ՝ իմ վարդապետութիւնս չէ,
այլ անորը՝ որ զիս զրկեց: Ով որ կ’ուզէ
Աստուծոյ կամքը կատարել, պիտի հասկնայ
թէ Աստուծմէ՞ է այս վարդապետութիւնը,
թէ ես ի՞մ հեղինակութեամբս կը խօսիմ: Ան
որ իր հեղինակութեամբ կը խօսի՝ իր անձին
համար փառք կը փնտռէ, իսկ ան որ զինք
զրկողին փառք կը փնտռէ, ճշմարիտ է եւ
խաբէութիւն չկայ անոր մէջ: Մովսէս ձեզի
Օրէնքը չտուա՞ւ. սակայն ձեզմէ ոչ ոք կը
հնազանդի Օրէնքին: Ինչո՞ւ կ’ուզէք զիս
սպաննել»: Ժողովուրդը պատասխանեց.
«Դիւահա՞ր ես, ի՞նչ ես. ո՞վ կ’ուզէ քեզ
սպաննել»: Յիսուս պատասխանեց. «Հրաշք
մը գործեցի եւ բոլորդ վրդովեցէք: Մովսէս
հրահանգեց թլփատել ձեր զաւակները
– թէեւ Մովսէս չէր սկսողը, այլ ձեր
նախահայրերը – եւ դուք ձեր զաւակները
կը թլփատէք Շաբաթ օրով: Եթէ մէկը կը
թլփատէք Շաբաթ օրով,
որպէսզի չբեկանուի
Մովսէսի Օրէնքը, ին-
չո՞ւ զայրացած էք
ինծի դէմ, որովհետեւ
մէկը ամբողջութեամբ
բժշկեցի Շաբաթ օրով: Երեւոյթներէն
մի՛ դատէք, այլ արդար դատաստան
կատարեցէք»:

«Ինչ որ ձեզի կ’ուսուցանեմ՝ իմ վարդապետութիւնս չէ, այլ անորը՝ որ զիս զրկեց:»

«Երեւոյթներէն մի՛ դատէք, այլ արդար դատաստան կատարեցէք»:



ՈՂՈՐՄՈՒԹԵԱՆ ԿԱՆՉ ՄԸ ԱՊՈԹՔՆԵՐ ԾԵՆՈՒՄԷՆ

ՀԵՂԻՆԱԿ՝ ՀԷՆՐԻ ՆՈՒԸՆ

ԹԱՐԳԱՆՈՒԹԵՐԷՆ՝ ԿԱՐՕ ՍՐԿ. ՆՈՒՆՈՒՏԵԱՆԻ

ԱՄԷՆ ԻՆՉ

Քաղցր Տէր, Համբարձման օրուան վերջաւորութեան, լիացած եմ երախտագիտութեամբ: Կը գիտակցիմ, որ այսօր մեր մէջ կեցութիւնդ իր լրումին հասցուցիր եւ մարմնացումիդ մեծ խորհուրդը՝ իր ամբողջութեան մէջ տեսանելի

դարձաւ: Երկրաւոր կեանքդ, որ սկսաւ Գաբրիէլի այցելութեամբ Մօրդ, իր լրումը գտաւ երբ ամպի մը մէջ բարձրացար եւ աշակերտներուդ աչքերէն վեր փոխադրուեցար: Դուն, ով Տէր, Որդի Աստուծոյ, Որդի Մարիամի, Էմմանուէլ, Մեսիա, Փրկիչ բոլոր մարդոց, անշուշտ մեր հետը բաժնեցիր ամէն ինչ որ մարդկային է, եւ մեր մարդկայնութիւնը առաջնորդեցիր մինչեւ Երկնաւոր Հօրդ աչ կողմը: Երբ այլեւս չէիր տեսնուեր մեր ընկերներուն կողմէ, եւ զանոնք ետիդ ձգած էիր՝ աստուածային առաքելութիւնդ կատարած էիր: Մեզի ստրկեցուցիր ամէն ինչ, որ պէտք ունինք գիտնալու. ըրիր ամէն ինչ, որ կարելի է ընել. մեզի տուիր ամէն ինչ, որ ունէիր:

Ի՞նչ պիտի ըլլար կեանքս, եթէ քեզ ճանչցած չըլլայի: Բոլոր ուրախութիւններս ու ցաւերս կապուած են քու աշխարհ գալուդ:

Շնորհակալ եմ, Տէր, այս երկրի վրայ կեանքիդ համար եւ զիս կանչելուդ՝ որպէսզի կեանքիդ պատմութիւնը պատմեմ բոլոր մարդոց: Ամէն:

(Շար. 43)



**ԱՅԵԼԵՅԷ՛Ր
ԵԿԵՂԵՑԻՈՅ
ԴԻՄԱՏԵՏՐԻ ԷՁՐ**

**ԵՒ
ՁԵՐ ՀԱՎԱՆՈՒԹԻՒՆ յԱՅՏԵՅԷՐ
(like).**

**[www.facebook.com/
SourpHagopChurchMontreal](http://www.facebook.com/SourpHagopChurchMontreal)**

**ԱՅԵԼԵՅԷ՛Ր ՆԱ
ԵՒ
Ս. ՅԱԿՈՒ ԱՌԱՋՆՈՐԴԱՆԻՍ
ՄԱՐ ԵԿԵՂԵՑԻՈՅ ԿԱՔԷՁՐ՝
www.sourphagop.net**

ՏՆՕՐՀՆԷՔ

**Տնօրհներ փափաքող ընտանիքները,
թող բարեհաճին դիմել
Ս. Գառնիկ Աւ. Քինյ. Գոյունեանի,
հեռաձայնելով
514 909 5203 թիվն:**

ԶԱՏԿՈՒԱՅ ԻՐԱԳԻՆ

**Ս. ՅԱՐՈՒԹԵԱՆ ՏՕՒՐՆ ԱՌԹԻ,
ՎԱՏԱՀ ԵՆՔ,
ՈՐ ՄԵՐ ԲԱՐԵՊԱՀՏ ԺՈՂՈՎՈՐԴԸ ՊԻՏԻ
ՉԱՌՈՆԱՅ
ԿԱՏԱՐԵԼՈՒ ԻԻՂԱԳԻՆԻ ԻՐ ԱՐՏԱՐՈՒՄ
ԱՌԻՐԱՏՈՒԹԻՒՆ:**

ՀԻՄՆԱԴԱՆԵՐՈՒՄ ԱՅԵԼՈՒԹԻՒՄ

**Բարեհաճեցէք հեռաձայնել
Արժ. Ս. Գառնիկ
Աւ. Քինյ. Գոյունեանի.
514 909 5203 թիվն:**

**Սոյն թերթիկը ե-նամակով
ստանալու համար Ձեր ե-հասցեն
ՈՐԱՐԿԵՅԷՔ
eglise58@sourphagop.com**

ԹԵՐԹԻԿԻ ՆԱԽՈՐԴ ԹԻԷՐՈՆ

**ԿՐԱՔՐ ԳՏՆԵԼ
www.sourphagop.net
ԿԱՔԷՁԻՆ ՎՐԱՅ**